

MATHRI

lu cci piènzù...
ògghi... com'ajjèri ...com'era
picciuttanza
malincunia...! c'acciùì nun-ttorna
ppi-mmia l'anni nnucciènti
e i jorna ppi-ttia
ri quannu
'n facenna i to manu ...e-ll'uocci e 'a vuci
filecci casa casa
e ncianu a la luci
l'úmm'ra to... ccu-ll'ali
a stientu
apprièssu sicutàunu... i to pieri ...

...e ri quannu fu – gghià stizziatu – la to sira
ca u vastuni
– ca i passi cci-â-bbiàutu a-tthri-ppieri –
pusammu
urfaniedhu nti na ggniuni
e ô cantu
u manùbbriu ccu-ddhu' roti
e a sègghia a-qquatthru
c'ammuttàumu 'i rrarrieri...

– certu, sièrvunu ss'armigghi
quann'è ll'ura
'n zia mai ppi-mmia
mai mai é ma figghi –

... ri tannu - cciù stimpiau - sempr'aternu è u ma pinzieri
ppi-ttia, mathri, aruci ...amaru...
ri quannu
l'arma – ahiaì lu cori ! – senza pieri senza rroti
ccu-ll'ali
sicutannu appriess'â Luci ...ammiasti a ll'àuti cela
e rê manu e ri l'uocci
'n filu 'i vuci
“ figghiu – mi ricisti – nu-mmi lassari. ”